

Headline	Ada ketulan sebesar kacang		
MediaTitle	Metro Ahad		
Date	16 Sep 2012	Color	Full Color
Section	Letters	Circulation	314,321
Page No	I-8	Readership	1,964,000
Language	Malay	ArticleSize	135 cm ²
Journalist	N/A	AdValue	RM 4,967
Frequency	Daily	PR Value	RM 14,901



Ada ketulan sebesar kacang

Soalan

SAYA berumur 24 tahun dan aktif melakukan hubungan seks. Namun, tahun lalu saya menyedari ada ketulan sebesar kacang pada sebelah kiri hujung zakar.

Apabila memeriksanya, saya dapati keadaannya seperti satu pepejal lembik berbentuk bulat dan leper. Begitupun, tiada gangguan atau kesakitan. Dengan itu saya menjangkakan ia hanya jerawat.

Namun sejak beberapa bulan ini muncul lagi satu ketulan serupa di sebelah kanan kepala zakar pula. Adakah ini perkara biasa atau ada jangkitan terhadap alat sulit saya?

MAT
Subang Jaya

Jawapan

Anda menyatakan aktif melakukan hubungan seks. Adakah ia hanya dengan pasangan tetap atau sebaliknya? Jika sebaliknya, anda berisiko tinggi mendedahkan diri kepada penyakit kelamin.

Memandangkan seks rambang boleh berlaku bila-bila masa, lebih-lebih lagi untuk orang seperti anda, dan tentu anda tidak melepaskan peluang serta melakukannya tanpa perlindungan (kondom), kemungkinan besar anda terdedah kepada penyakit kelamin.

Malah, anda kini ada gejala penyakit kelamin iaitu ketulan isi di penghujung kepala zakar dan ia kian merebak.

Anda mungkin terkena jangkitan kuman ketuat dan jika betul, anda menjadi pembawa dan penyebar kuman virus itu kepada pasangan wanita. Barangkali juga, ada kuman lain di dalam badan anda akibat seks rambang.

Jika masih teragak-agak, berjumpalah doktor bagi menjalani pemeriksaan dan jika hanya tertumpu kepada Internet untuk penyelesaian, anda seolah-olah memperjudikan nyawa.

Bayangkan jika menyimpan virus HIV atau kuman Virus HSV 1 dan 2 (yang memberi jangkitan kayap atau herpes) atau kuman virus Hepatitis B (tidak berlaku jika anda pernah dapat suntikan pelalian) atau kuman sifilis, ia pasti mengancam kesihatan.

Lagi cepat anda merujuk kepada doktor, lagi cepat masalah dapat dikendalikan. Begitupun, jika belum berkahwin dan kembali sihat, jangan ulangi perlakuan maksiat.

Jika ketagih seks, segera dapatkan bantuan pakar psikologi untuk membantu anda. Jika sudah bersedia, anda boleh berkahwin dan hidup dalam kesempurnaan.